

- P O U S O V É M W E N -

An sekré ka blanchi lannuit-mwen.  
Sé an trézò ki kaché o pli pwofon lanmè-mwen;  
Sé wou ki pé dékouvèy pas i séré anba fèy.  
Si ou té lé plonjé an mwen, vin andidan rev-mwen,  
Rijwenn-mwen dan sonmey-mwen.  
Pas an flech nwè transpesé mwen.  
Mwen ka senyen. Fok ou vini...

Refrain :

Pou sovè mwen      Ou pé djèri mwen  
Doudou séw ki pé di mwen sa ki pé apézé mwen  
Vini sovè mwen      Vini djèri mwen  
Sé sel kout baget majik ki pé...      Chanjé lavi-mwen.  
Femen tout blési ki andidan kò-mwen...

Si'w konprann sa tjè-mwen ka atann;  
Sé vou ki pé soulajé zié-mwen ki anvi gadéw.  
Lanmen-mwen ki lé touchéw, lev-mwen ki bizwen fwoléw.  
Mwen ni lespwa ki an jou, nou kay jwenn pou toujou.  
Pou mwen di'w dé ti mo dou.  
Mové rev-mwen pé éfasé.  
Sé ou sel ki pé. Fok ou vini...

Refrain (x 2)

- Doudou séw ki pé touvé bòm-lan pou apézé mwen
- Dé lanmen-w pou masé mwen épi kò-w pou vlopé mwen
- É si zié-w kwazé zié-mwen, ou kay djèri tout kò-mwen
- Nou kay volé dan siel pou séré deyè soley.

An nouvo jou ka lèvé ba mwen,  
Ou vin apézé tout doulè-an mwen.  
Nou kay maché anlè gran chimen-an  
Pou menm apré lanmò, mwen sav ou la...

Pou sovè mwen      Pou ou pé djèri mwen  
Vini sovè mwen      Vini djèri mwen (Ad Lib)